

BAHOLOVCHILARNING KASBIY JAVOBGARLIGINI SUG'URTA QILISH BO'YICHA NAMUNAVIY SHARTNOMASI

Shartnoma tuzilgan vaqt Shartnoma raqami – son Shartnoma tuzilgan joy

Sug'urta kompaniyasining nomi **Sug'urta Kompaniyasi**, keyingi o'rinlarda **Sug'urtalovchi** deb nomlanuvchi, Sug'urta kompaniyasiga shartnoma tuzish huquqini beruvchi hujjat asosida faoliyat yurituvchi rahbari Sug'urta kompaniyasi rahbari F.I.O bir tomondan va quyida **Sug'urta qildiruvchi** deb yuritiladigan, Sug'urta qildiruvchining F.I.O ikkinchi tomondan, birgalikda TOMONLAR, mazkur Shartnomani quyidagilar to'g'risida tuzdilar:

SHARTNOMA PREDMETI

1.1. Baholovchilarning kasbiy javobgarligini sug'urta qilish Qoidolari (keyingi o'rinlarda – “Sug'urta qoidolari”) va mazkur Shartnomada nazarda tutilgan shartlar, istisno va ilovalariga muvofiq, Sug'urtalovchi Shartnomada nazarda tutilgan sug'urta hodisasi yuz berishi natijasida uchinchi shaxslarga yetkazilgan zararni Shartnomada kelishilgan sug'urta summasi doirasida qoplash majburiyatini oladi.

1.2. Sug'urtalovchi mazkur Shartnoma bo'yicha Sug'urta qildiruvchining kasbiy javobgarligini mazkur Shartnomaning 3-bo'limida kelishilgan xavflardan sug'urtaga qabul qiladi.

1.3. Sug'urta qildiruvchi mazkur Shartnoma bo'yicha Sug'urtalovchiga sug'urta mukofotini to'liq va o'z vaqtida to'lash majburiyatini oladi.

1.4. Sug'urta summasi, franshiza va sug'urta mukofoti miqdori mazkur Shartnomaning 4-bo'limida keltirib o'tilgan.

SUG'URTA OBYEKTлари VA SUBYEKTLARI

2.1. Sug'urta qildiruvchining O'zbekiston Respublikasi qonunchiligiga zid bo'lmagan va O'zbekiston Respublikasi qonun hujjatlarida belgilangan tartibda Sug'urta qildiruvchi baholovchi kasbiy faoliyatini amalga oshirish jarayonida Sug'urta qildiruvchi baholovchi kasbiy faoliyatini amalga oshirish jarayonida yuzaga keluvchi sug'urta hodisalari nomi sug'urta obyekti hisoblanadi.

2.2. Sug'urta subyektlari bo'lib, Sug'urtalovchi hamda Shartnomada Sug'urta qildiruvchi va Naf oluvchi sifatida ko'rsatilgan shaxslar hisoblanadi.

2.3. Sug'urta himoyasi sug'urta hodisasi yuz berishi oqibatida uchinchi shaxslarga yetkazilgan va ularning O'zbekiston Respublikasining fuqarolik qonun hujjatlariga muvofiq qoplanishi zarur bo'lgan zararni qoplash bo'yicha talablarini qondirishni o'z ichiga oladi.

2.4. Sug'urta himoyasi Sug'urta qildiruvchining xodimi o'z mehnat (xizmat, lavozim) majburiyatlarini bajarish jarayonida yetkazgan zararni qoplashga nisbatan tatbiq etiladi.

Sug'urta qildiruvchining xodimlari deb mehnat shartnomasi (kontrakt) asosida faoliyat yurituvchi fuqarolar, shuningdek fuqarolik-huquqiy shartnoma asosida faoliyat yurituvchi fuqarolar e'tirof etiladi, bosharti ular bunda Sug'urta qildiruvchining topshirig'iga binoan va uning nazorati ostida harakat qilgan yoki harakat qilishi lozim bo'lgan bo'lsa.

2.5. Sug'urta himoyasi mulkiy zararni qoplashga nisbatan tatbiq etiladi.

SUG'URTA SUMMASI VA SUG'URTA MUKOFOTI

3.1. Sug'urtalovchi Shartnoma bo'yicha o'z majburiyatlari bajarilishi uchun javobgar bo'lgan miqdordagi pul mablag'lari Sug'urta summasi hisoblanadi.

Mazkur Shartnoma bo'yicha sug'urta summasi Shartnoma bo'yicha sug'urta summasi miqdori so'm miqdorida belgilanadi. Mazkur summa ushbu Shartnomada nazarda tutilgan va uning amal qilish davrida yuz bergan barcha sug'urta hodisalari bo'yicha Sug'urtalovchining yagona javobgarlik limiti hisoblanadi.

3.2. Sug'urta mukofoti bir yo'la to'lovni amalga oshirish yo'li bilan to'lanadi.

3.3. Sug'urta mukofoti to'langan kun deb, Sug'urtalovchining bank hisob raqamiga pul kelib tushgan kun (sug'urta mukofoti naqdsiz pul ko'rinishida) yoki sug'urta mukofoti Sug'urtalovchi kassasiga yoki uning vakiliga naqd pul ko'rinishida to'langan kun hisoblanadi.

3.4. Sug'urta shartnomasining amal qilish davrida Sug'urta qildiruvchi xavf darajasining barcha o'zgarishlari to'g'risida xavf darajasida o'zgarish yuz bergan sanadan e'tiboran o'n (10) ish kuni ichida Sug'urtalovchiga yozma ravishda xabar berishi shart. Agar xavf darajasining oshishi sug'urta mukofoti miqdorini oshirishni talab qilsa, Sug'urtalovchi Sug'urta qildiruvchiga tegishli xabarnomani yoki sug'urta Shartnomasiga qo'shimcha o'zgarishni qo'shimcha sug'urta mukofoti hisobi bilan birga jo'natadi. Agar qo'shimcha sug'urta mukofotga xabarnoma olingan kundan boshlab 10 (o'n) ish kuni davomida Sug'urta qildiruvchi uni to'lasa, sug'urta Shartnomasining tegishli o'zgartirishlari qabul qilingan, xavf darajasining oshishi – qo'shimcha mukofot to'langan paytdan sug'urtalangan hisoblanadi. Aks holda xavf darajasining oshishi sug'urtalanmagan hisoblanadi.

SHARTNOMANING KUCHGA KIRISHI VA UNING AMAL QILISH MUDDATI. SUG'URTA SHARTNOMASINI TUGATISH TARTIBI

4.1. Sug'urtalovchi sug'urta mukofoti (yoki uning birinchi qismi) uning bank hisob raqamiga kelib tushgan yoki sug'urta mukofoti (yoki uning birinchi qismi) Sug'urtalovchining kassasiga naqd pul ko'rinishida to'langan sanadan boshlab Sug'urtalovchining sug'urta tovonini to'lash bo'yicha javobgarligi kuchga kirganligini tasdiqlovchi sug'urta polisini rasmiylashtiradi va Sug'urta qildiruvchiga taqdim etadi. Shartnoma (polis) yo'qolgan taqdirda, Sug'urtalovchi Sug'urta qildiruvchining yozma arizasiga binoan, belgilangan tartibda Shartnoma(polis)ning dublikatini beradi, shundan so'ng Shartnoma(polis)ning yo'qolgan nusxasi haqiqiy emas deb topiladi.

4.2. Sug'urtalovchining mazkur Shartnoma bo'yicha javobgarligi Shartnomaning amal qilish davrida Sug'urta qildiruvchining professional faoliyatiga nisbatan tatbiq etiladi va Sug'urta qildiruvchi bilan uning mijozi o'rtasida ushbu Shartnomaning amal qilish davrida, baholash xizmatlarini ko'rsatish shartnomasi imzolangan sanadan e'tiboran Shartnomaning amal qilish muddati davomida haqiqiy hisoblanadi.

5. TOMONLARNING HUQUQ VA MAJBURIYATLARI

5.1. Sug'urtalovchining majburiyatlari:

5.1.1. Sug'urta qildiruvchini Sug'urta qoidalar bilan tanishtirish;

5.1.2. Sug'urta hodisasi deb e'tirof etilgan holat bo'yicha Sug'urta shartnomasi(polis)da kelishilgan muddat ichida sug'urta summasi va javobgarlik limitlari doirasida sug'urta tovonini to'lashni o'z vaqtida amalga oshirish;

5.1.3. Sug'urta tovonini to'lash rad etilgan taqdirda, Sug'urtalovchi bu haqda Sug'urta qildiruvchiga yozma ravishda, rad etish sabablarini asoslagan holda, Sug'urta qildiruvchi sug'urta tovonini to'lash to'g'risida murojaat qilgan kundan 15 (o'n besh) taqvim kundan kechikmagan muddatda xabar berishi shart. Sug'urta qildiruvchi sug'urta tovonini to'lash to'g'risida murojaat qilgan kun Sug'urtalovchi tomonidan to'lovni amalga oshirish yoki uni rad qilish to'g'risidagi qarorni qabul qilish uchun asos bo'lgan hujjatlar taqdim etilgan kun hisoblanadi;

5.1.4. Sug'urta qildiruvchi va uning mulkiy ahvoli to'g'risidagi ma'lumotlarni oshkor etmaslik, O'zbekiston Respublikasining amaldagi qonun hujjatlarida nazarda tutilgan hollar bundan mustasno;

5.1.5. Sug'urtalovchi Sug'urta qildiruvchidan sug'urta qoidalar va mazkur Shartnomada nazarda tutilmagan ma'lumotlar (hujjatlar)ni talab qilishga haqli emas.

5.2. Sug'urta qildiruvchining majburiyatlari:

5.2.1. sug'urta mukofotini mazkur Shartnomada belgilangan miqdorda va muddatlarda to'lash;

5.2.2. Sug'urta shartnomasini tuzayotganda Sug'urtalovchiga xavf darajasini baholash uchun ahamiyatli bo'lgan o'ziga ma'lum barcha holatlarni xabar qilish;

5.2.3. uchinchi shaxslar tomonidan e'tiroz yoki da'vo keltirishga asos bo'lishi mumkin bo'lgan bexosdan yo'l qo'yilgan kasbiy xatoni aniqlagan taqdirda zarar miqdorini kamaytirish uchun mumkin bo'lgan barcha choralarni ko'rish, hodisa hujjatli

rasmiylashtirilishini ta'minlash va hodisa yuz bergan sanadan e'tiboran uch kunlik muddat ichida bu haqda Sug'urtalovchiga hodisa sababi, holatlari va ehtimol tutilgan oqibatlarini ko'rsatgan holda yozma ravishda xabar qilish. Arizada quyidagi axborot mumkin qadar to'liq hajmda ifodalanishi lozim:

– xato harakatlarning xususiyati va sabablari;

– ko‘rilishi mumkin bo‘lgan zarar, hodisaga daxldor shaxslar, shu jumladan potensial da‘vogarlarning ismlari va manzillari;

– kasbiy xatoga yo‘l qo‘yilgan vaqt;

5.2.4. Sug‘urta qildiruvchiga zararlarni qoplash to‘g‘risida sud yoki boshqa vakolatli organlar qarori taqdim etilganda, bu haqda uch kunlik muddat ichida Sug‘urtalovchiga xabar berish va unga mazkur ishga taalluqli barcha hujjatlarni (sud yoki boshqa vakolatli organlar qarori va sug‘urta hodisasi yuz berganini tasdiqlovchi barcha boshqa yuridik hujjatlarni) taqdim etish;

5.2.5. talab qo‘yilishiga olib kelishi mumkin bo‘lgan xatoga biron-bir tarzda sababchi bo‘lgan barcha yozuvlar, hujjatlar, asbob-uskunalarni o‘zgartirilmagan va tuzatilmagan holatda saqlash;

5.2.6. Sug‘urtalovchiga xatoning sabablari, holatlari va oqibatlari, yetkazilgan zararining xususiyati va miqdorlari to‘g‘risida hukm chiqarish imkonini beradigan mavjud barcha axborot va hujjatlarni taqdim etish;

5.2.7. O‘zbekiston Respublikasining amaldagi qonun hujjatlari, ushbu Shartnoma va Sug‘urta qoidalarida nazarda tutilgan boshqa majburiyatlarni bajarish.

5.3. Sug‘urtalovchining huquqlari:

5.3.1. Sug‘urta qildiruvchi tomonidan taqdim etilgan ma’lumotlarni, shuningdek Sug‘urta qildiruvchi tomonidan Sug‘urta shartnomasi (polisi) talablari va shartlarining bajarilishini tekshirish;

5.3.2. zaruratga qarab, vakolatli organlarga so‘rovlar yuborish;

5.3.3. Sug‘urta qildiruvchi tomonidan sug‘urta hodisasi to‘g‘risida berilgan ma’lumotlarning haqqoniyligiga shubha paydo bo‘lgan taqdirda sug‘urta tovonini to‘lashni to‘xtatib turish;

5.3.4. Sug‘urta qildiruvchi Sug‘urta shartnomasi shartlarini buzgani aniqlangan taqdirda Sug‘urta shartnomasini bekor qilish;

5.3.5. O‘zbekiston Respublikasining amaldagi qonun hujjatlari, ushbu Shartnoma va Sug‘urta qoidalarida nazarda tutilgan boshqa huquqlardan foydalanish.

5.4. Sug‘urta qildiruvchining huquqlari:

5.4.1. Sug‘urtalovchini Shartnomani bekor qilishi mo‘ljallanayotgan sanadan kamida 15 (o‘n besh) taqvim kuni oldin yozma ravishda ogohlantirgan holda Sug‘urta shartnomasini muddatidan avval bekor qilish;

5.4.2. Sug‘urta shartnomasi (polisi) yo‘qotilgan taqdirda uning dublikatini olish;

5.4.3. Sug‘urta qildiruvchining xohishi bilan va Tomonlarning o‘zaro kelishuviga binoan Shartnomaning amal qilish davrida sug‘urta summasini o‘zgartirish;

5.4.4. O‘zbekiston Respublikasining amaldagi qonun hujjatlari, ushbu Shartnoma va Sug‘urta qoidalarida nazarda tutilgan boshqa huquqlardan foydalanish.

6. SUG‘URTA TOVONINI TO‘LASH

6.1. Sug‘urta tovonini to‘lash Sug‘urtalovchi tomonidan mazkur Sug‘urta shartnomasi (polisi) shartlariga muvofiq 7.2-bandda ko‘rsatilgan hujjatlar asosida amalga oshiriladi.

6.2. Sug‘urta tovonini to‘lash uchun quyidagi hujjatlar asos bo‘ladi:

Sug‘urta shartnomasi (polisi);

Sug‘urta hodisasi to‘g‘risida ariza;

uchinchi shaxslarga yetkazilgan zararni qoplash to‘g‘risidagi sud yoki boshqa vakolatli organlar qarori; da‘vo hujjatlarining nusxalari.

Zarurat bo‘lganda Sug‘urtalovchi sug‘urta hodisasi bilan bog‘liq ma’lumotlarni huquqni muhofaza qiluvchi organlar, banklar, tibbiyot muassasalaridan va sug‘urta hodisasi to‘g‘risida axborotga ega bo‘lgan boshqa korxona, tashkilot va

muassasalardan oladi, shuningdek sug'urta hodisasining yuz berishi holatlari va sabablarini mustaqil ravishda aniqlashga haqli.

6.3. Sug'urta tovonni miqdori sud yoki boshqa vakolatli organlar qarori asosida aniqlanadi. Sug'urta tovonni O'zbekiston Respublikasining fuqarolik qonun hujjatlari normalarida belgilangan miqdorda to'lanadi, ammo u Sug'urta shartnomasi (polisi)da belgilangan sug'urta summasi (javobgarlik limiti)dan ortiq bo'lishi mumkin emas.

7. SUBROGATSIYA

7.1. To'liq yoki qisman sug'urta tovonini to'lagan Sug'urtalovchiga shu summa doirasida Sug'urta qildiruvchi (Naf oluvchi)ning yetkazilgan zarar uchun javobgar shaxsga nisbatan regress talabi huquqi o'tadi.

7.2. Sug'urta qildiruvchi (Naf oluvchi) sug'urta tovonini olgandan so'ng Sug'urtalovchiga regress talabi huquqini amalga oshirish uchun barcha zaruriy hujjatlarni berishi va barcha choralarni ko'rishi shart.

7.3. Sug'urta qildiruvchi (Naf oluvchi) sug'urta hodisasi yuz berishiga aybdor shaxsga nisbatan da'vodan yoki unga qo'yilgan talablarni amalga oshiruvchi huquqdan voz kechsa, shuningdek, Sug'urtalovchiga regress talablarni amalga oshirish uchun zaruriy hujjatlarni berishdan bosh tortsa, Sug'urtalovchi sug'urta tovonini butunlay yoki ma'lum bir qismini to'lab berishdan ozod qilinadi va ortiqcha to'langan sug'urta tovonni qaytarib berilishini talab qilishga haqli.

TOMONLARNING JAVOBGARLIGI

8.1. Tomonlar ushbu Shartnoma bo'yicha qabul qilgan majburiyatlarni buzganligi uchun O'zRning amaldagi qonunchiligiga muvofiq javobgardirlar.

8.2. Sug'urta qildiruvchi ushbu sug'urta Shartnomasida ko'rsatilgan muddatlarda sug'urta mukofotini o'z vaqtida to'lash uchun javobgar.

BOSHQA SHARTLAR

9.1. Tomonlar o'rtasida barcha pullik hisob-kitoblar O'zbekiston Respublikasining amaldagi qonun hujjatlariga muvofiq amalga oshiriladi.

9.2. Ushbu Shartnomaga kiritilgan barcha o'zgartirish va qo'shimchalar, shuningdek Shartnomani bekor qilish yoki uning tugatilishi yozma ravishda rasmiylashtirilishi lozim.

9.3. Ushbu Shartnoma Sug'urta qildiruvchi sug'urta qoidolari bilan to'liq tanishib chiqqanidan keyin tuzilgan.

9.4. Tomonlar Shartnoma shartlarini bajarmagan yoki lozim darajada bajarmagan taqdirda yuzaga keladigan nizolar Tomonlarning muzokaralari yo'li bilan hal etiladi, kelishuvga erishishning iloji bo'lmagan holda esa, nizolar O'zbekiston Respublikasining amaldagi qonun hujjatlariga muvofiq tegishli sudida yoki O'zbekiston sug'urta bozori professional ishtirokchilari uyushmasi huzuridagi Hakamlilik sudida ko'rib chiqiladi.

9.5. Ushbu Shartnoma har bir tomonda bittadan saqlanuvchi va teng yuridik kuchga ega ikkita bir xil nusxalarda tuzilgan.

TOMONLARNING YURIDIK MANZILLARI, BANK REKVIZITLARI VA IMZOLARI

SUG'URTALOVCHI:

Yuridik manzili: Sug'urta kompaniyasining yuridik manzili

H/R:Sug'urta kompaniyasining hisob raqami

Bank kodi Sug'urta kompaniyasining bank kodi

STIR:Sug'urta kompaniyasining STIR raqami

Sug'urta kompaniyasi bilan bog'lanish uchun telefon raqami

Rahbar imzosi

SUG'URTA QILDIRUVCHI:

Manzili: Sug'urta qildiruvchining manzili

INN:Sug'urta qildiruvchining INN raqami

Sug'urta qildiruvchining telefon raqami

Sug'urta qildiruvchi imzosi

